



Broj: JN1-03-16-7-19-15-2/23  
Sarajevo, 06.03.2024. godine

Na osnovu čl. 2., st. 2, tačka 1., 69. stav (2) tačka d) i 70. st. (1), (2), (4) i (6) Zakona o javnim nabavkama ("Službeni glasnik BiH" broj 39/14 i 59/22), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08) i Zapisnika o pregledu i ocjeni ponuda broj: JN1-03-16-7-19-15-1/23 od 04.03.2024. godine, u postupku nabavke servisiranja hardvera i softvera za potrebe Parlamentarne skupštine Bosne i Hercegovine, Lot 1. Održavanje destop računara, laptopa i servera, održavanje MFP, printera i skenera, održavanje mrežne opreme, putem otvorenog postupka, Kolegij Sekretarijata Parlamentarne skupštine Bosne i Hercegovine, donosi:

## ODLUKU O PONIŠTENJU POSTUPKA JAVNE NABAVKE

### I

Prihvata se preporuka Komisije za javnu nabavku iz Zapisnika o pregledu i ocjeni ponuda za Lot 1. Održavanje destop računara, laptopa i servera, održavanje MFP, printera i skenera, održavanje mrežne opreme, broj: JN1-03-16-7-19-15-1/23 od 04.03.2024. i poništava se postupak servisiranja hardvera i softvera, Lot 1. Održavanje destop računara, laptopa i servera, održavanje MFP, printera i skenera, održavanje mrežne opreme, jer nijedna od primljenih ponuda nije prihvatljiva.

### II

Ova odluka objavit će se na web stranici ugovornog organa [www.parlament.ba](http://www.parlament.ba), istovremeno sa upućivanjem iste ponuđaču koji je učestvovao u postupku javne nabavke, shodno čl. 70. stav (6) i 71. stav (2) Zakona o javnim nabavkama.

### III

Ova Odluka stupa na snagu danom donošenja.

## Образложење

Postupak javne nabavke pokrenut je Odlukom o pokretanju postupka javne nabavke usluge servisiranja hardvera i softvera za potrebe Parlamentarne skupštine Bosne i Hercegovine, broj: JN1-03-16-7-19/23 od 8.9.2023. Ukupna procjenjena vrijednost javne nabavke iznosila je 30.000,00 KM sa PDV-om za period dvije godine. Predmet nabavke podijeljen je na četiri lota. Procjenjena vrijednost za Lot 1. Održavanje destop računara, laptopa i servera, održavanje MFP, printera i skenera, održavanje mrežne opreme iznosi 15.000,00 KM sa PDV-om (12.820,52 KM bez PDV-a). Komisija za javnu nabavku imenovana je Rješenjem Kolegija Sekretarijata, broj: JN1-03-16-7-19/23 od 8.9.2023. Javna nabavka provedena je putem otvorenog postupka nabavke. Tenderska dokumentacija Ugovornog organa, broj: JN1-03-16-7-19-5/23, od 25.10.2023. objavljena je u sistemu „E-nabavke“, kao i Obavještenje o nabavci, broj: 166-1-2-25-3-42/23, od 25.10.2023., dok je Sažetak obavještenja o nabavci objavljen u „Sl. glasniku BiH“, broj 74 od 27.10.2023.godine.

Tendersku dokumentaciju za nabavku usluga servisiranja hardvera i softvera za potrebe Parlamentarne skupštine BiH sa Portala javnih nabavki preuzelo je ukupno 14 ponuđača. Do termina zakazanog za predaju ponuda odnosno do 15.11.2023. do 10,00 sati, za Lot 1. Održavanje destop računara, laptopa i servera, održavanje MFP, printera i skenera, održavanje mrežne opreme dostavljene su dvije ponude, i to:

Redni broj zaprimanja ponuda	Naziv i sjedište ponuđača
1.	FIXIT d.o.o. Sarajevo, ul. Zaima Šarca 34, 71 000 Sarajevo
2.	ARTCO GROUP d.o.o. Sarajevo, ul. Marka Marulića 2, 71 000 Sarajevo

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da su ponude ponuđača FIXIT d.o.o. Sarajevo i ARTCO GROUP d.o.o. Sarajevo, **neprihvatljive** za Ugovorni organ, jer ne ispunjavaju sve tehničke/profesionalne uslove, odnosno zahtjeve ugovornog organa za nabavku usluga servisiranja hardvera i softvera za potrebe Parlamentarne skupštine Bosne i Hercegovine, Lot 1. Održavanje destop računara, laptopa i servera, održavanje MFP, printera i skenera, održavanje mrežne opreme.

U Tenderskoj dokumentaciji za nabavku usluga servisiranja hardvera i softvera za potrebe Parlamentarne skupštine BiH, broj: JN1-03-16-7-19-5/23 od 25.10.2023. u tački 12. , podtačka 12.2., Dokazi o tehničkoj i profesionalnoj sposobnosti koji se zahtijevaju za lot 1., pod c) navedeno je sljedeće:

“**Potvrdu ovlaštenog servisa** proizvođača opreme koja je predmet održavanja/ servisiranja, naslovljenu na Ugovorni organ, sa navedenim nazivom postupka nabavke/ brojem Obavještenja o nabavci, izdatom ne ranije od datuma objave Obavještenja o nabavci, a kojom se potvrđuje da će ponuđaču isporučivati s ugradnjom isključivo originalne, nekorištene rezervne dijelove proizvedene od strane proizvođača opreme koja se održava /servisira, uvezene u BiH preko ovlaštenih distributerskih kanala BiH, i namijenjene prodaji na teritoriji BiH (potvrda izdata minimalno za brendove MFP/printer uređaja koji su najbrojniji na listi tehničke specifikacije iz Aneksa 3. Prilog broj 1 – **Lexmark i Kyocera**. Potvrda se dostavlja u originalu ili ovjerenoj kopiji.

U potvrdi je potrebno navesti i link za web stranicu proizvođača opreme na kojoj je dostupan spisak ovlaštenih servisa proizvođača opreme za područje Bosne i Hercegovine, kako bi se potvrdilo da ovlaštenu servis proizvođača opreme koji izdaje potvrdu ponuđaču, ima status ovlaštenog servisa proizvođača opreme ili dostaviti potvrde/certifikate izdate od strane proizvođača opreme kojim se potvrđuje da ovlaštenu servis proizvođača opreme koji izdaje potvrdu ponuđaču, ima status ovlaštenog servisa proizvođača opreme, za koji je dozvoljeno da bude na engleskom jeziku bez službenog prevoda. Datum izdavanja potvrde od strane proizvođača opreme ne smije biti raniji od datum objave Obavještenja o nabavci, sa navedenim brojem Obavještenja o nabavci - za lot 1.)”.

Ponuđač FIXIT d.o.o. Sarajevo, u svojoj ponudi dostavio je potvrdu ovlaštenog serviseru BBS System doo Sarajevo od 13.11.2023. godine, u kojoj je navedeno da su autorizovani servis i ovlaštenu distributer rezervnih dijelova proizvođača Lexmark i Lenovo i potvrdu ovlaštenog servisa COMTRADE DISTRIBUTION d.o.o. Sarajevo od 13.11.2023. kojom se potvrđuje da su autorizovani servis i ovlaštenih distributer rezervnih dijelova proizvođača HP, zbog čega je njegova ponuda ocijenjena kao neprihvatljiva.

Ponuđač ARTCO GROUP d.o.o. Sarajevo u svojoj ponudi dostavio izjavu od 14.11.2023. godine, da će isporučivati isključivo originalne rezervne dijelove za uređaje Lexmark i Kyocera, zbog čega je njegova ponuda ocijenjena kao neprihvatljiva.

Kolegij Sekretarijata Parlamentarne skupštine Bosne i Hercegovine prihvatio je preporuku Komisije za javnu nabavku da se poništi postupak nabavke usluga servisiranja hardvera i softvera, Lot 1. Održavanje destop računara, laptopa i servera, održavanje MFP, printera i skenera, održavanje mrežne opreme, jer nijedna od primljenih ponuda nije prihvatljiva, te je odlučio kao u dispozitivu odluke.

**Pravna pouka:**

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od deset dana od dana prijema ove odluke direktno ili preporučenom poštanskom pošiljkom.

**KOLEGIJ SEKRETARIJATA:**

**Mirza Imamović** \_\_\_\_\_

**Gordana Živković** \_\_\_\_\_

**Marin Vukoja** \_\_\_\_\_

**Dostavljeno:**

- FIXIT d.o.o. Sarajevo, ul. Zaima Šarca 34, 71 000 Sarajevo
- ARTCO GROUP d.o.o. Sarajevo, ul. Marka Marulića 2, 71 000 Sarajevo
- Sektoru za finansije
- a/a